

يا تراب الطف بقلبي المرهف
انظر الـ حالي وحدي لا والي
وينه اخواني ما احد جاني
يالشفت زينب والله مو زينب

جيتك ودمعاتي عالوجنات مذروفه
جيتك بعزه ورجعت شلون مجتوفه
ابو فاضل وينه مايستقبل ضيوفه
من عالشاطى اخويه انقطعت اجفوفه

چم عذاب بعيني شفته ومدمعي جريته
كلمن بدهشه يسايل منهي هذي زينب

من تركني ابلا حمى ودرب الهظم مشيته
ولله مو معقولة بو فاضل يخلي اخته

إجيت امن اليسر اسأل وادري بو الفضل يخجل
إجيت اوياه انا بعزة ورجعت شلون متعكزة
يناظر محملي اسيرة ابلا ولي

يا تراب الطف اجيتك شايله جروح
ارد اسولف للقمر لمن خذوني
ارد اقله عن شمرهم من يسبني
قوم يا ابو الغيرة انظر نظرة ليّه

احجي سكته وبس عذاب اقليبي اييوح
وبقطع چفه حسافه روّعوني
مارحمني هالزجر لمن ضربني
إرجعت زينب يوّسفه بس سبيه

يهمل الدمعة
شلون متقطعه
روحي متبضعه
اختك البضعة

يا تراب الطف اسائل وينه احسيني!!
شلت انا هموم ومصايب من بعد عينه

يالي ماشلته في لحظة والله من عيني
شلون ماينهض إليه بحبه يلفيني

ظهره منكسر ينهض يعتذر
مرمي وجثته بليار قبته

اسأل عالظهر وادري مهجته
واصري بطروفه ليّه لهوفه

شالـ بديـه
يصعب عليه
ريته انا بيّه
آه اعلى خويّه

نظر لجسمه دامي فوق الغبره
اوصال اخويه بالترب مطشره
موتي إجانني من نظرتة صدره
ظل عاري ما جاله أحد ينصره

مهجة الزهره
وروحي متقطره
ضلوعه متكسره
وماشرب قطرة

انهض بخويه وتلقاني
ومسح فؤادي بجفك الحاني
جيت بهزيمة بلا اخواني
مايرحموني خويه عدواني
اندب عليكم ما احد جاني
غير الشمر بسياطه ولاني

تدري خويه شالي جرافي..؟ يضربوني والله يـ غالي
ويمنعوني دمعي اسيله ضاع عزي حسرة ودلالي

تري قلبي بخويه من مصابك كسرتة
صرت اذرف عيوني مو دمع أنا ذرفته
إذا احجي المصابب يمي والله تحجي سكتة
لأن عمري يغالي بس إلى عيونك رهنته